

# ALL NATIONS GOSPEL PUBLISHERS



[www.angp-hb.co.za](http://www.angp-hb.co.za)



[info@angp.co.za](mailto:info@angp.co.za)

# MANSEI LUNGNING

HAMHME THEI

## **Bumeng Lungning Tong Mengjao**

(Meimeng roi dinloumei)

Mi latrik khatni meimeng hai France khou 1732 kumh roi hi pat the. Mi ti hei **Bumeng Lungning Tong Mengjao** hamhme thei **Lungning Latrik** tuna kao khonne. Kumma inthanmei lat tong incummei khatni karit nai puijeng roi Europe mei lat goi khou khatni Africa mei lat goi khou laapat na mei peina roi khatni zat kathui roi paatou the.

Rahgwang roi latdan karaan khou inrienloumei tei Latdan kathan khou ti guong tang louthe, "Ai roi kathanh lung nang khang ti puni, kumma ai roi kathanh Bumeng nang khou lou puni. (Eze. 36:26; Heb. 8:10).

*J.R. Gschwend*

**ALL NATIONS GOSPEL PUBLISHERS**

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 61/01798/08)

Thou puni pap taan puimei tei latdan tuan the; kalam thu pap hei latdan tuanmei khou we.

Kumma nangniu thaiye tumei thu aniu pap goi laagan loukhang ka ta indao lou the; kumma kakhou pap mekge.

Thou puni ka khou bam puimei tei pap su makge. Thou puni pap su puimei roi ka ta hou makge, ka ta ni thai makge.

Inthiammei alao nun, mei akhat na roi sini nangniu ta minam mak kandiu; Kamei incummei kum incummei taanmei tei incummei ye.

Pap taanmei kamei tei diabol tongnge; kalam thu thaoreih khou diabol tei pap suwe. Mi lam khang roi Rahgwang Nah ta indao louthe, mi tei roi sihmei taan goi ta kamei roi su' immaan khangnge.

Thou puni Rahgwang khou puanmei tei pag taan makge; Kalam thu ka tong tuh tei ka kou naiye; Kalam thu kamei Rahgwang khou puanne.

Mi khou hei Rahgwang nah nun ta khatni diabol nah nun ta lian louthe: Thou puni incummei taan makmei tei Rahgwan tong hamhme, khatni ka chana ta ni kamei jien makge.

(1 John 3:4-10).

**COPYRIGHT**  
**ISBN 0-908367-99-6**

## **MANSEI LUNGNING**

### **Rahgwang Tong Rahkai Hamhme Thei Satan Tong Taan Bam (1 John 3:4-10)**

Mi latrik hei nang paa pukhou, nang lungning nang rana menjao khou jao kum hou ngam puni. Nang rahningmei hamhme thei zou jangmei, lumlou makmei hamhme thei theitangkhinmei nun, Rahgwang roi nang ta hou kum nang rana nang ta hou puni. "Mansei roi kapeng lunlung ta jaowe, tiki Poubaomei thu lungning ta jaowe." (1 Sam. 16:7). Rahgwang thu mei jau jao makge.

Satan hei sarem saamei nun pu the. Kamei hei zingmei tong gwang the khatni mi kandih tong rah the, kamei hei gaanmei bancara kumma kalun guan na intu-inggan goi ta namtu khang suwe. Kahu nung kum, intao gan khou ni inkhoime apostle nun khatni minammei kaipou nun suna, Khrista tong jiab nun thiak sukhone. Gaanmei bancara lun kumma Satan kalun guanmei khang haa lalaa khang hamhme. (2 Cor. 11:13-14). Satan mi kandih tong rah roi mansei nun mik khatni lungning ta ti tiat louna Rahgwang roi kaniu ta jienne tumei khatni Jisu roi kaniu ta gulou khang theihlouwe tumei tei thaimak khang su khonne. Papmei khatni lumlou makmei goi ta Rahgwang biak theng ti theihlou na aniu mik ti tiatlou the. Mi kandih tong rah tong bumeng tei roi kaniu ta sinbin the. (Eph. 2:2). Kaniu roi immaan bammei lunlung tei kaniu mik rakpat na hou makge thei, kaniu tei tingseng rienramei biak theng tat gut bam tong dithe, "Ai pap taan makge" tuna saamei kamei tei ka rana minam the, "Mi lam khang roi diabol tong taan goi tei su immaan khang Rahgwang Nah Impou ta indiulou khonne." (1 John 3:8). Kum puijeng roi Rahgwang khou nang pum katgut ro; kumma diabol leh indiangnga ding tanno, kumma kamei nang khou roi paktat puni. Rahgwang khou innaa guongngo, kumma kamei roi

nangniu khou innaa guong puni. (Jakob 4:7-8).

Nang roi mi latrik hei paa lana kameng goi hei kathai pukhou, nang rana nang lungning hou ngam puni: Rahgwang tong phumei kariu tei roi nang lungning tong lunlung tei thai khang karammo. Nang tong pap lun thaina khatni pap naiye tumei nuhmuh maknga, Rahgwang lat roi saamei kum. "Aniu roi aniu tong pap maknge, saaye thei, aniu rana ta guat tuwe kumma incummei tei aniu khou mekge, aniu roi aniu tong pap saa indao patre thei, aniu tong papladuaklou khang, khatni intun makmei kapumma khou roi aniu ta su inthanlou khang, kamei thu lumlou nuhmei khatni intumei ye." (1 John 1:1-10). "Jisu Khrista, Rahgwang Nah Impou ze i roi pap goi khou roi aniu goi ta sa inthanlou the."

Satan hamhme thei Rahgwang roi nang ta sinsu bamme: nang hei Rahgwang tong bangh hamhme thei pap tong bangh suna bamme. Pap roi nang panti ta sinne thei, mi tei nuhmuy riu, kumma Rahgwang khou poulou tho. Pap phungmei nun ta gulou khang mi kandih khou guongmei pu Jisu Khrista paan khou roi nang ta tiduaklou puni khatni Satan khatni pap tong ngam khou roi subaklou puni, kamei hei aniu ta thuakloumeipu the. Inkam imbeimei goi ta hau ngammei, nang panti khou inkamma kakhanmei khatni taanmei, inkam imbeimei goi ta hou ngammei pu maa khou nang bam tong de. Rahgwang maa khou inkam imbeimei taan goi hei rilou ngam makge kalamthu, "nuh damloumei kamei tei roi cu pulaknga co? Mik damloumei kamei roi hou ngam pulaknga co?"

"Ka khou lungning inthuime i nun khang roi Poubaoime i mik tei kandih ru khou jaopat jaogut na bamme." (2 Chr. 16:9).

Ka mik tei mansei nun cheng goi ta jao bamme, kumma tatpat tatgut kagoi na hou ngamme. Inkhoime i nun kaniu duplou khang zingmei bam hamhme thei theihme i lim mekge." (Job. 34:21-


22).

“Kumma Jisu roi kaniu khou kapum kahak tigut makge, kalamthu kamei roi kaniu goi ta thai ye.” (John 2:24).

Heijeng roi ka pap kuaklou puimei khatni pap ta gumlou kanmei kamei tei duanhgaimei ye. Poubamei roi pap ta naplou makmei tei duanhgaimei ye kumma ka bumeng khou cug tinailou mak khe.” (Ps. 31:1-2; Ps. 51 hei ni paalou wo). Insei ni Jisu roi kao bamme, “Puat rit phungmei khatni taanh ranna taanmei kaniu tei a khou guongngo, ai roi jeng ti intheklou puni.” (Matt. 11:28-30).

## **MENG HIAKLOUMEI LAM KHOU DINMEI MENG AKHAT**

Mi meng hei kandih tong lungning, mikiu bible khou hiloumei puanthan makmei intu-inggaan nun ta kandih tong bumeng roi sinsu na, imbaan pum tong kahaomei lianlou tong the. Mi hei kacang kalingmei lungning mansei khou naimei Rahgwang roi hou bammei kiu the. Mik rak sepsepmei, mik goi hengmei hei zou jang imbaamei tare tuna Latku 23:29-33 khou hilou we: “Sansihmei kiu thou co? agi bammei kiu thou co? rienramei kiu thou co? khatuak katit bammei thou co? agi bammei kiu thou so? kabaa meknga jamjei bammei kiu thou co? mik kagoi hengmei kiu thou co? kaniu tei zou khou ingguai seng bammei nun the, kaniu tei kariu karamei zou ta phu bammei nun the. Mi tei heng lana, buang khou macu pat pukhou, mi zou tei ka rana kalungnge thej mi tatei nang jao riu. Inkham khou inrui roi incou kum, khatni ruigam khai kum puni. Nang mik roi kadat datmei hou puni kumma nang lungning geng makmei puat goi ta kahao puni.” Pi meng naimei bang khou mansei lungning ta hou puni- khowring nun goi roi lianmei thu mansei lungning pap peina baibai na taanmei lianlou tong the, kumma mansei lungning khou pap goi bamlou pui bamme. Rahgwang roi aniu



1. Pap Phungmei Lungning

khang ka tong muhjung Jeremiah muang khou heikumma saa patlou the. "Ramh goi na khang song mansei lungning hei row sihye khatni kheih sihye, thou roi thai ngam ni co? (Jere 17:9). Jisu kahak roi heikumma saalouwe, "Tabuico tiki kalung theng roi, mansei lungning khou roi, sihmei lungning goi patre: intha-boulamei, hou agemmei, kheih sihmei, mei dowloime, inthaamei, mikkhuan sihmei, lungmaanmei, newsougaan sutmei, houhmei, hou agemmei, liantime, impangmei, sihmei kapumma hei kalung theng roi patre, kumma mansei ta su tanaaye."

**1. DOUDA** – tong hougaime, ta mei nun roi kahaowe, mi hei mansei lugning khou, liantime, ta incinlou the. Thao teilou na suam loumei cherulb lucifer tei, reih khou Rahgwang tong mairam puanmei akhat khonne, Rahgwang tong bancara akhat khonne, tiki lianti khou roi bou kan the kumma Rahgwang ta houmuhmei su kan the rahsih suthe. (Isa. 14:9-17; Eze. 28:12-17). Liantime, hei maikuam lung theng roi patre kumma kalam baibai na leinlouwe. Isa. 3:17-24 khou saamei kum mei ase, roi ka ramh lunggai khou, kaniu tatrik thaigeime, khou, kaniu pheibaan gaina piuna lianmei khou lianti ye. "Rahgwang roi liantime, ta nuh makge tiki niam keime, khang thoidam tilouwe" tumei mei ase, roi ningtou maknga kaniu pupou nun lam khang, zat daime, khang, kariak khang palup-talime, khou imphaomei khang lianti the. (1 Pet. 5:5). "Liantime, khatni dailun sumei ta Rahgwang karengnge." (Pro. 8:13). "Liantime, hei tuaikei nime, maa khou patke, kumma dailun sumei hei boukei nime, maa khou patre." (Pro. 16:18).

**2. ZIUCHI** – hei inthaamei, tanaamei, lungmaanmei, newsutgaan sutmei khang lian the. Mi pap hei intao gan khou imbu na bamme, Jisu roi saa kasuak loumei khou inkham pui gan khou mi hei imbu puni tuna dinloumei hei aniu roi incumme tuna laa rap khang dithe, khatni inkhammei gan khou Sodom khatni Gomorrah gan tei kum puni tuna tingkumh 2000 hu theng roi din kasuaklou the. Intao gan khou mihei roi intu-inggaan rahcap



tatmei nun kum sini, dinkai khou, school khatni hostei kabam kathui khou mi sihmei kheiliak hei padik the, kumma tanamei latrik, cinema, drama hei roi mansei lungning ta su tanalou the, kumma Rahgwang roi mi hei pap be tumei taanh tei gaime lamcat the tuna laa the. Chabuan mei cingcing roi cinema khatni novel paa na sihmei khatni meijakmei lunlung biak theng tat bam the. Chabuan kin khou hei, inthaa-boulamei palup thaimai ta tei liamtuang khatni liammah the tuna laa the. Alemmei bam goi hei lamcat sihmei roi padik the. Inthanmei Rahgwang tong sumei Joshep (Gen. 39) khatni baime. Nun ta kidaamei nai dat mak khe. Rahcap mekmei Zulu roi lungmaan lungmoumei roi taanmei kumma intao gan khou mei nun roi ni mi tei incamh the kumma neikhat thu mi tei latjan maa khou phung guong puni. Lungmaan lungmoumei ta aniu roi palup tali lak nina ye kumma khou tei roi paktho tuna Rahgwang roi aniu khou saalou we. "Mansei roi pap taanmei hei pum tong kapeng khou we, tiki mei akhat roi lungmaanmei taan hei kapum ta kamei nuh makmei taan the. Nang khou naime kai tei Rahgwang tong Bumeng Inthanmei tong rahkai ye tumei aniu laa kho, aniu pum hei ka tongnge kumma nang hei Rahgwang tongnge tiki nang tong puat hamhme. (1 Cor. 6:18-19). Mansei roi Bumeng Inthanmei kai ta su kasihye thei, Rahgwang roi su kasih dat puni; kalam thu Rahgwang kai thu inthanne, mi rahkai kiu nang the. (1 Cor. 3:17).

**3. GWAK** – roi dinmei thu zou jang imbaamei katni agemmei ta saa tong the. Kamei hei tanaamei khowring akhat re, ariumei puat goi tu we, tanaamei khatni tanaa makmei, mi roi saamei thu pap tong lungning roi gaimakmei cun phungmei, gaimakmei latsaa, gaimakmei meng, khatni gaimakmei latrik goi ta kahao the. Aniu pum ringmei Rahgwang tong rahkai hei tanaamei tektu khatni tanaamei lamcat, mikiu makhow intimmei khatni makhow imbammei, khatni khaaini leh baibaime puat tu-jangmei hei the. Intu-inggaan roi churup-agaih tumei, khaaini khatni ganja jangmei hei reih khang song imbu the. Churup-agaih khatni

sihmei tek-tu tong banghsu bammei ti hei Rahgwang pumtan na roi tiduaklou ngamme. Rahcap khou roi ingkhin keimei nun tei rahkai khou churup intin makge tiki kaniu pum Rahgwang tong kai ta thu su inthan makge. Apostle Paul roi hei kumma saaye, “nangniu pum hei Bumeng Inthanmei rahkai ye tumei nangniu thai maknga co? Thoukummei kapum ta su tanaa khonne thei, Rahgwang roi ni su amaan laknga co?” (1 Cor. 3:16-17; 6:18-19).

Agemmei kamei hei Rahgwang maa khou inkhuamei ye. Aniu ring khang tektu tuhwe, tiki tu-jang khang roi ring puitong hamhme. Tektu hei roi indep pukhou ti inggu louwe tiki agemmei kamei tei pianmei mekge “ti yo, ti yo” tuna nei puni.

Agemmei roi ramhdou nung sini pianmei nailakge khatni biu jat lakge Latdan Karaan khou hilou puithei laina, agemmei khatni tu-jang imbaamei ta intau indat loi kandiu tuna saaye. (Deut. 21:18-20). “Tu-jang imbaamei khatni agemmei tei lungsih puni: aliaumei kamei tei pheiraan baan puni. Lungpuam sihpui mei ta duang supui mei tei pu ta ti meijiaklou puni.” (Pro. 23:21; 28:7). Agemmei khatni inthaamei bangh supui mei tei theih lana maikuum khou roi ka mik rak patna saangam makmei raaimei khou pat kanmei lunggaimeipu ta ningtou wo. Tu jang imbaamei lam hei rao na hilou nuhwe. Mi hei ciu na laa nuhwe. Tu-jang imbaamei tei roi Rahgwang kandih gut ngam mahge tuna ka lat roi aniu khou din inthanlou the. Beer (zou kazat akhat) hei nap hamhme, tiki mi jangmei roi mansei lungning ti tangnou we kumma jangmei kamei tei imbaamei ye. Kaniu roi taan lak nimei taan, mei dowmei khat leh khat su kasihmei patre, “Zou hei roi indehmeit lat saaye, jang mei tei lungpuam sih ye, mei asek ta mi tei roi ngamme, mi lung khou keiloumei tei imbaamei ye.” (Pro. 20:1).

Thoukummei zou kasiammei, juanmei khatni zou jangmei, mi goi hei inkhoi incamhmei de, kumma Rahgwang roi saa ye, “Zou

jang tanmei kamei tei khatni zou jang khang thouna gaimei mei tei sansihmei ye.” (Isa. 5:22). “Ka tong kainingmei khang zou luanloumei, insian khou louna timei khatni zou ti jangmei, ti imbaa loumei kamei tei sansihmei ye.” (Hab. 2:15). “Inrah, alim, khwang, pipe khatni zou jangnga ingngaimei suwe, tiki mi tei roi Rahgwang ta cakhuang su makge.” (Isa. 5:12). Intun makpui mei goi tei Rahgwang tong gwang kandih laatou mak puni tumei nangniu thai maknga co? Guat puimei tei suriu, inthaaboula na lungmaanmei, rahmeng kalummei, newsougaan sutmei, inthaapui taanh taanmei, inggaanmei incamh jak puitong taanmei, mi goi taanmei gaan khat na sini Rahgwang kandih laatou ni tong hamh the.” (1 Cor. 6:9-10).

Aniu kandih lunlung tong pap goi hei nai bam puitong the. Mi nun kiu thu, newsou-gaansutmei, inthaa-boulaamei, lungmaanmei, inthan makmei, inthaamei, rahmeng kalumei, dwaireng sinmei, karengmei, lung incam makmei akhiam indiangmei, lungpuam dai puammei, abai adapmei, latpat-rihpatmei, kariak khou tat makmi, houtimei, meidow loimei, zou imbaamei, houmuhmei kumma heikummei incammei goi the. Mi tong inkhoimei khou taanmei kamei khang tingkao kandih khou bamh mekge. (Gal. 5:19-21). “Kumma zou imbaa riu; mi lung khou tei latpat-rihpatmei naiye; tiki Bumeng roi padik go.” (Eph. 5:18).

Tari na mammei goi ta Jisu roi heikumma kaowe, “Thou puni tariye thei a khou guong jang kandiu.” (John 7:37-38). “He mekmei kamei tei, nang guong liw na tu tho; inggoi, drakha dui khatni gwainou dui tei sian kajao maknga khatni kaman meknga jang tho.” (Isa. 55:1). “Kumme tiki thou puni ai roi ti nimei dui tei jangmei roi tari jat mak puni, kumlana ai roi ka khou ti nimei dui tei kalung khou duipuakkai nai puni, mi tei ringsuangmei duipuakkai su puni.” (John 4:14).

**4. GWAIPHUAP** – roi lianmei thu aliau-ajihmei, mianmei khatni duai thaimei ta incin tongnge. Lumlou makmei hei rahsih tong

parian paramei tong pap leh incahme. "Aliau-ajihmei tei roi ka ta suluai ye kalam thu ka baan roi taan khang nuh makge. Kamei neih marin agemma lungnge." (Pro. 21:25-26). Joshua roi Isrial mei nun khou heikumma saaye, "Mi ram tei laa khang nangniu aliau riu." Mansei lungning thu Rahgwang puat ta laa khang aliau-ajihye. Jisu roi saaye, "Incummei cheng khou gut khang karammo." (Luke 13:24). "Phumei kamei tei ariu puni." "Tingkao gwang kandih tei diumei hwat subam khonne, kumma diupui mei nun roi mi tei asut ranna laaye." (Matt. 11:12).

Aliaumei ro guloumei khatni aniu bumeng imbu thaomei ta ti amaan ne. Hoineimei khou, Rahgwang tong thuk ta phugutmei khou, Rahgwang tong ramh gai ta khang inrian loumei khou, aniu ta tigutlou mak khe kumma mi tei roi immaanmei khou jailou the. Rahgwang roi nang ta kaculou na, insei tingmik hei nang lungning ka khou katgutlou khang kao pukhou, Satan roi thu nang ta kanak khoh tuna khem puni kumsini mi tei guong dat pulak khe, kumma Khrista meknga khatni guloumei laatou maknga theih puni Rahgwang roi saaye, "Insei hei nang kakhuan cuwethei, nang lungning tan riitho." (Heb. 3:7-8). Mei peina roi guloumei ta ganpat lana, kagan gaimei goi tei guong dat maknga theih ngam kantu hamhma co? Inthuan tingmik thu nang tong hamhme.

Gwaiphuap tong kuak hei maipa nun roi parian paraamei khou sinsu we, kumma mi roi dinmei thu parian paramei, shan jaomei, mi goi pap hei taan lana ringmei Rahgwang ta amuhmei the. Incanmei khatni rienramei, lung kabiumei khatni cunsumei gan khou aniu ta ingkha loumei pu ringmei Rahgwang ta kao khang dinlou khonne, tiki shansih-shangai jao khang saalou makge, "Gaimei mansei tong phaipa goi tei Rahgwang roi jailou we." (Ps. 37:23). Nangniu pang khou innaomei nai tu-co? Kaniu roi phwamling khou gandao nun ta kao kandiu, kaniu roi karu khou kalumlou kandiu, Poubaoimei jan paan roi karu khou thao teilou kandiu: kumma lumlou na hoineimei tei roi innaomei ta

gudaaklou puni, Poubaomei roi ka ta jaithaolou puni kumma kamei pap taanlou gei khonne thei, ka ta kuaklou puni. Nangniu akhat leh akhat pap saa indao wo, kumma akhat leh akhat khang hoinei kari yo, kum pukhou nang gaidat nuhwe." (Jakob 5:14-16). Kathuan kumei hei neihsat-neihkei khatni kabang theng roi guong puitong hamhme. Tiki Rahgwang hei latjan kaipou we." (Ps. 75:6-7). Rahgwang roi Isrial mei nun khou heikumma saalou we, "Ka nah impou hamhme thei aluh roi mai khou tatkaanmei, rahthiam, thaimei kagan lam khou saamei, khatni parian paramei, maipa taanh taanmei, rahsumeih hamhme thei rahsih ta kacumei, baankhanmei, theihmei ta kacumei, mi goi hei nailak nina ye. Mi taanmei kagoi hei Poubaomei maa khou inkhoimeih ye." (Deut. 18: 10-12). Rahgwang tong gwang kandih peng theng bammei nun kiu, miktrang thaimeih, lungmaan lungmoumei, meidow loimeih, rahmeng kalummei, saarem saamei nun hei the." (Indao. 22:15). Nangniu roi rahsih bumeng goi khou shan jaomei hamhme thei, kaniu lam khou than lana kaniu leh pap su incammei, khatni kaniu leh impuam incammei khou gut lak nina ye. "Ai hei nang tong Poubaomei, nang tong Rahgwang nge." (Lev. 19:31). Rahtuangmei roi kahim kahamei khatni-rahsih bumeng bammei nun ta phu khang kaniu roi nang ta saa pukhou mei nun roi kaniu tong Rahgwang ta phu laknga co? Ringmei phaanh theihmei ta phu nina co? Latdan khatni mi tong lat goi thei laina kaniu saa mak khonne thei kaniu khou gaanmei mek puijeng roi ye." (Isa. 8:19-20).

Nang roi mi latrik dip paa pukhou, Rahgwang roi nang khou kaculou na, nang pap goi khou roi lunglai khang khatni nang panti tei ka khou tigut priri khang kao the, tiki gwaiphuap tong sihmei rahsih bumeng tei nang lungning khou bamme, Rahgwang khou nang tigut nimeih tei hamhe tuna baibaimeih cun nang khou tilou bam the, kumma nang lung khou pingmei ti padik lou the. Ai kacangmei khristian akhat su pukhou, duang nun roi, kandih ruprian roi tukumma saa puni co? Alemmei pang khou khatni kandih tong riak khou ai kajao mak pukhou tabui

saa puni co? Khrista tong saangam makmei ramh gai, ka tong incu-injengmei, ka him, immaan dat lakmei neilamei panti goi hei Khrista ta nang lungning khou laagutlou makge thei, mi goi hei nai nitong hamhme kumma mi phaana tei theih khang pingmei lungning khou tei rahsih roi banglou puni. Pingmei tong bumeng sumei khou tei roi thuaklou khang Khrista guong puitongnge. (Heb. 2:14-15). Gwaiphuap kuak kumma tanmei kum nang lungning tei sihmei rahsih roi ti tanlou the.

**5. KAMANG** – hei kheih sihmei akhat re khatni lungpuam tanmei khowring the. Jaojihmei, lungpuam tanmei lungning duime i roi lungning ta sin the, kumma mi tei roi mei dowmei khou tikei louwe. Nang lungpuam tanmei tei nang sumak khang karam bam nuhwe. Mi goi hei nang lungning khou roi pat tongnge tumei laa na, Jisu roi nang ta ripat lou khang sumei hei gaim ei di the. “Nang mikjao khou lungpuammei tei mek kandiu.” (Gen. 45:5). “Lungpuammei tei impatlou tho khatni lungrat sihmei tei impatlou tho, sihmei taanmei khang ta nang lungning roi kahao riu.” (Ps. 37:8). “Lungrat sihmei hei sihye, lungpuammei roi agai agime i patre, tiki thou tei mamaamei khou roi dingngam nime i nai co?” (Pro. 27:4). “Imbaamei khou lungpuam dup be, heijeng roi lungpuammei tei nang lung khou roi laagan no.” (Eccl. 7:9; 11:10). Lungpuammei kagoi tei impat tho. (Col. 3:8).

Mei peina roi sihmei tei taan khang zou jangnga baona suwe tumeithu, “kaniu zou tei dragon (inrui) tong khaaiye, khatni kheih sihmei inrui khaaiye.” (Deut. 32:33). Khumkhangmei hei papmei lungning khang neilamei the, tiki Rahgwang hei aniu khang khumkhangmei kaipouwe. Jisu roi saaye. “Nang kai kainingmei ta nang pum ta kumma jienno” kumma “nang ta jaojihmei ta jienno.” Aniu ta jaojihmei ta aniu roi kuak louwe thei aniu pap goi ni kuaklou khang Rahgwang roi inrien louwe. Lungning duime i khatni sihmei, rowsihmei lungning hei Rahgwang hukhou inkhoime i ye. Sihmei roi zei keime i ta kahaowe khatni rih cun

tei mansei lungning khou naiye kumma inkhammei khou kacang canghmei incu injengmei tei lungning khou nai nina re.

**6. INRUI** – roi Eden pikuan khou Eve ta minam the, kumma Rahgwang leh inggiangmei khatni kariumei ta su intam louwe. Lucifer bamh insin na, Rahgwang leh induangnga kanei roi kandih ru khou kaipou suna bammei ta hou pukhou, boukeimei bumeng Satan tei Adam khatni Eve ta jaojih the. Jaojihmei jeng roi kanei ta ti immaan khang Satan tei karam the. Rahgwang leh ring incammei khatni kanei tong carinmei ramh gai ta situai the. Rahsih tong lungning jaojihmei tei roi, mansei lungning khou ti maaaa na, mei baimei roi neila na bammei ta tei hou pukhou su kasih khang suwe. “Jaojihmei hei tarow kumma sih cangnge.” (Solomon Lu 8:6). Mei baimei neila bammei ta su kasih khang gaimakmei latkhan pat re, kumma mei dowmei nganna patre. Mi hei gansek kummei nowpu-now nah khou ni patre. Lanhguan lanhdengmei khatni bai baimei khou ni jaojihmei tipat louwe. Mi athungmei khou hei khristian taanh taanmei nun, dintatmei nun, kaipou sumei nun de tuna deklou makge, heijeng roi Rahgwang roi baimei kabangh aseki ta sinsu dat kanne. Kamei ngak cui kum sini khatni Bumeng Inthanmei paan roi ka lungning khou Rahgwang tong ramh jien hei nai makge thei, kaniu tei Rahgwang khang gengmei goi tei, jaojihmei tong sihmei bumeng tei roi ti kasihlou puni.

**7. GOW** – roi agemmei khatni sian kahaomei tong bangbi sihmei ta incin the. (1 Tim. 6:10). Congo khou gow kazat akhat intiang nim tuna, ka bung baknga theih maksaan tu the. Agem puimei roi ka baan tei impat lana lungsihmei, rienra rienriumei ta inkhaa khang kungnge, tiki sau na inthum roi tu immaan kan nimei kandih tong lunggai ta tei ngammei kam phuna su khonne. Jisu roi heikumma saaye, “Nangniu roi kandih khou lanh ri kacun riu. Khou tei tari-inthum roi khatni saumei roi su immaan ne, houhmei nun roi phitraana houhwe. Kumme tiki tingkao theng lanh ri kacun no; khou tei tari-inthum roi khatni saumei roi su

immaan maknge, houhmei nun roi phitraa na houh makge. Kalamthu nang tong lanh loupui bam khou tei nang lungning ni lou puni.” (Matt. 6:19-21). Achan khatni ka kaikhunmei nun tei immaan ngam kan the kalamthu kachek, oandi, kaman kungmei intau khatni pheibaan ta kahao khou roi ye. (Josuah 7). Jisu Khrista bangh Judas Iscariot tei ka kaipou ta nam lana juaan khonne kalamthu kamei sian kahao khonne. Sian khatni katchek roi sih puitong hamhme, tiki sian kahaomei roi lungning ta su kasih tong de.

Takwan khatni Shi pak akhiammei khou sian palup ma, mi sihmei thiak khou roi katumma lunggai khang karamma mei cing cing roi kaniu panti khatni khaikhun immaan khonne. Rianra maknga lunggai khang kahaomei khou tei houhmei, mei dowloime i khatni ka rana suloime i nganna patre. Sian kahaomei khatni agemmei pam peina naiye, mikiu jan tatmei kahaomei, ngamh kahaomei, political roi sinsume i, sian-dui ngamh roi lungsihmei ta su rienramei, rahcap tong ngamh, Rahgwang ta khang song phwamling khou ngamh sinsume i, phwamling lung khou khrista theilaime i nun ta nuhmuhmei hei the. (Matt. 9:38). Jisu roi saaye, “Ramhthai yo, kumma agemmei kapumma khou roi nangniu rana sinriap thai yo; kalamthu mei gaan akhat ringbammei hei ka tong puat goi sabi-saba maknga naime i khou tei nai bam tong hamhme.” (Luke 12:15). Imbaa na lunggaime i pu pari tei heikumme, “lunggai mei pu gaan khat tong ram khou nap-bi inthui sithe. Kumma kamei ka rana makumma saa the, a tong nap-bi loukei puibam mek khe, heijeng roi ai takum kho co? Kumma kamei saaye, “Mi hei ai taan nithe; a tong shem raakei lana, daidaime i kasian nithe; kumma hei khou tei a tong nap-bi goi khatni a tong naime i goi lou nithe. Kumma aduh khou saa nithe, he aduh, tingkumh tingseng khang biumei puat impeina loubam the. Jeng inthek tho, jang tho, kumma neila imbaanthai, tho. Tiki Rahgwang roi ka khou saaye, “He imbaamei, insei zingbang nang camdaan lou bammei puat goi tei thou khang su puni co? Rahgwang biak theng lunggai



maknga, ka rana khang lanh kacun kaduai loupui mei tei heikummei ye.” (Luke 12:16-21). Kalamthu mei gaan khat roi kandih kapum palum laatou na ka buh thanu ñethei, ka khang tabui gengmei nai na co? (Mark 8:36). “Ring khang nangniu tabui tu kho, khatni nangniu pum khou tabui swai imbaan kho tuna lung katuak bam riu... kum puijeng roi Rahgwang tong gwang kandih ta phuwo; kummethei ramh kapuma hei nangniu khang tilou puni.”

**8. SATAN** – hei saarem saamei goi tong pu khatni kaniu ta saarem ti saalou bammei, pap goi ta ti katiu lou bamei puwe, khatni lungning ta sin bammei puwe. Jisu roi saaye, nangniu thu nangniu pu diabol khou roi ye, kumma nangniu pu tong kahaomei goi tei nangniu taan nihye. Kamei thu thaoreih khou roi mei dowloimei khonne, kumma incummei khou bam makge, kalamthu ka khou incummei mekge. Kamei saarem saa pukhou ka rana kalam saaye: kamei hei saarem saamei ye kumma kaipou kiu the. (John 8:44). “Katit na saarem saamei hei ni daimei kum moide. Saaremmei hei hiloumei leh incam de Ramriu sumei ni saaremmei akhat the kalamthu kacang kalingmei mekge. Rahgwang thu saarem ngam makge-khristian nun ni the.” (Titus 1:2). “Aniu roi kamei leh kadam laa incam the tulana zingmei khou tat rethei aniu saaremmei, kumma incummei tei taan makge.” (1 John 1:6). “Impeng theng bammei nun kiu shi goi, duai sinmei goi, intha-boulapui taanh taanmei goi, mei dowloimei goi, rahmeng kalummei goi, khatni thou thou puni saaremmei ta ingnguimei goi hei the.” (Rev. 22:15). Inkhuai na thaiding timei khatni saaremmei ta Rahgwang roi karengnge.” (Pro. 6:19).

**9. GAANCUANG** – roi dinmei thu mansei kathui tong lungning kakhanmei cun lam tare. Mi khou hei, su tanamei khatni sihmei pap taan nihna ningmei cun khou tei pap taan na theihmei, mik ti tiat louna, ti inphum loumei, kumma mi tei roi ka rana taan ta latjan sudat thai makmei hei the. Mi sihmei cun hei

kagan akhat khou ti nui, kagan akhat khou ti rienra puni. Kuaklou nimei gan khou lungpuam puni, kumma lungpuam nimei gan khou kuaklou puni. Intan sumei roi kabi tan loumei kum the, lummei khou roi dupat pukhou macunmei kagoi tei immaan the, kumma saarem saamei bumeng goi khou, rahsih tong latdin khou gut ngam the, kumma ramhkhe sumei khou saaremma saa the. (1 Tim. 4:1-2; Heb. 10:22).

**10. RAHWANG MIK** – roi mansei lungning khou naimei kagoi hou ngamme. Cuangmei ka, mikjao khou ramh khat sini inkam ngam makge, heijeng roi inkammei latkhan khatni lungning roi ningmei kagoi tei kamei thai ngamme. Nang roi sihmei taanh zingbang, numding khou, khunh inthukmei lung khou ramhme thei tabui bui bam khou taanmei goi kamei hou ngamme. (Mi tong meng khou hiak loumei hei mansei lungning khang ni saa tong the.)

**11. INTIAMMEI BALEI TONG MAI** – roi dinmei thu Rahgwang tong ramh jien hei pap tong lungning deng khou bam inkoi ye. Rahgwang roi pap ta kareng khon sini mansei ta thu kamei jienne kumma papmei roi theih kanmei ta tei kamei kahao makge, tiki kamei lunglai datna ring kanmei ta kahaowe. Pap phungmei ta gulou khang Jisu guong puitongnge. Pap phungmei roi lunglai guong pukhou tingkao theng adih daina neila tha: Inthiammei balei roi ni Jisu Khrista tong ze lam khou saaye, “Rahgwang Laujiu nah roi kandihmei pap laagan kanthe.”

**12. BAANCARA** – roi dinmei thu Rahgwang lat khangnge. Pap puat phungmei mansei goi khou Rahgwang roi kaculou nihye, kum pukhou kamei tei lunglai dat khangnge kumma gaanmei khatni Rahgwang ramh jien tei lungning khou gut khangnge.

**13. KHOWH** – na meng roi dingmei thu Bumeng Inthanmei khang the. Tumei thu incummei Bumeng tei roi lungning ti kabui louna incum injih thai khangnge. Mi khou hei Rahgwang

Bumeng mansei lungning peng khou bamme. Pap roi sinsumei lung khou kamei bam ngam makge.

Mi lungning meng khou lianmei kum nang lungning khou nai nuhwe Poubaomei ta kaowo, ka khou nang lung laan patro kumma ka tong gaanmei riu tei kalung khou gut pudiu. "Poubaomei Jisu Khrista khou lumlouwo, nang guloumei laatou puni." Inggoi, Rahgwang roi kahaowe, nang lungning ti kalailou khang, nang khou lungning kathan, khatni bumeng kathan tilou khang kamei inrian louwe. Mi hei meng kanei khou dinlou dat puni.

### MENG KANEI

Mi meng roi dinmei thu lunglaimei lungning roi Rahgwang ta phumei lian tong the. Baancara roi thandibeng sin the, mi hei Rahgwang. latre, mi hei katummei khatni ngamh nai meiyee, kamun kanei naimee beng khang song intuk diangmei the, mi hei roi bumeng khatni duh ta cum lana subak ngamme, row khatni rianru kagoi tani, khatni lungning roi kakhanmei goi tani thai ngamme. (Heb. 4:12). Rahgwang lat roi kata ti ningtou louwe, "Pap taanhphi thu theih meiyee; khatni mansei hei theih goi khang ti sulou the, kumma mi tang tei latjan maa khou ding puni." (Heb. 9:27). Sulphur roi cuang bammei mai zeilat khou tei pap mei khatni lumlou makmei nun ta rau puni.

Baancara tei kaban akhat roi pirow ta sin bamme. Mi roi papmei nun ta ti ningtou meithu aniu goi na theih puni. Aniu pum aniu roi heidi jien na pheibaan loumei, tu-jang bammei, kalun gai khang sulou bammei, kahaomei goi ti pian khang taanlou bammei imbaan pum hei theih lana tem puni kumma inthanh roi tu immaan ngam puni kum sini bumeng leh duh heithu tingseng jeng khang ring puni kumma neikhat tingmik Rahgwang tong latjan maa khou ding puni.



## 2. INKHOI THE TUNA LAA LOUMEI LUNGNING

Mi khou hei papmei roi Rahgwang latcam cu na Rahgwang roi jien loumei khang ta ka lungning hei laan pat the. Bumeng Inthanmei roi pap lungning zingmei bam khou tei ti gaanmei kahou the. Rahgwang tong gaanmei tei ka lungning kai khou gutna zingmei ta tei alai gan the. Rahgwang tong gaanmei tei gut pukhou zingmei tat puni. Mi meng khou incin loumei kum, pap lam khou incinmei, kho wring meng roi lianmei goi hei pak kan puni. Heijeng roi jienmei nun, kandih tong riu Jisu ta nang lungning khou tigut ro, kum pukhou zingmei khatni zingmei tong taan goi tei nang lung khou roi tat kan puni, Jisu roi saaye, "Ai hei imbaan tong gaanmei riuwe, a theilaimei kamei roi zingmei khou tat lakge." (John 8:12). Nang rana karammei, nang rana ningting, manei tong pumtan roi nang lungning khou zingmei ta khat sini alai gan ngam nitong hamhme. Ciuliangmei, katummei imbumei khatni tanliangmei thu gaanmei riu Jisu ta nang lungning khou Jisu ta tigut pukhou pap tei pak kan puni. Zingmei zingbang khou bu khatni gaancuang nun riu roi nang khang gaan tamam mammai katit na gengmei nai puni tiki neih pat pukhou zingmei khatni tamam mammei riu goi tei sam kan puni. Jisu hei incummei tong neih riuwe. Kamei Jerusalem rahkai khou gut pukhou, lanhgonmei goi, ziu, akhowhna, sian lanhgonmei nun goi ta alai ganna saaye, "Mi hei hilou the, a kai hei kalummei kai kao puni; kumme tiki nangniu roi kaihoumei nun bam ti sulou the." (Matt. 21:13). Nang lungning hei Rahgwang kai khatni rahkai suni nade. Kamei jienmei khatni neilamei roi mi khou tei lung nihye, kalun kasiam cuilou niye, gaanmei roi ti padiklou nihye Jisu hei aniu pap goi kuaklou khang nga guong puitong hamhme, tiki pap tong ngamh khatni sihmei khou roi aniu ta gulou khang kamei guong tongnge. Nah Impou tei roi nang ta ningh ti sulouwe thei, nang ningh sucangmei the." (John 8:36).

## **MENG KATHUM**

Papmei roi kacangnga lunglaimei lungning lunglung mi meng hei



### 3. LUNGLAIMEI LUNGNING

roi aniu khou lianlou the. Ka pap goi jeng khang roi Jisu roi banraothing rukhou theih loumei tei kamei intao thu hou the. Baancara roi banraothing khatni Rahgwang lat sin bammei ta hou pukhou, ka lungning khou naimei goi tei bak keina ka khou lian louthe, kumma kamei lung kabiu na ka tong pap goi jeng khang roi rienra the. Jisu Khrista khou Rahgwang ramh jien daimei ta kamei hou the, mikiu Rahgwang Nah Impou. Jisu Khrista guongnga ka pap goi luak loumei kamei thai pukhou, latjan tong banraothing ru khou kaphaan theih loumei ta thai pukhou, mi ramh jien tei roi ka lungning tei nung kei the.

Kaling thu Jisu ta bai the, sau pirun run louthe, jotpi roi kaphai kabaan tei hian the, aniu pap khang roi banraothing ru khou theih louthe, mi goi hei inthanna lunglaimei pap mei roi thai pukhou ka lungning khatni ka panti tei kathanh dat the. Kamei roi Rahgwang lat paa pukhou mengjao khou jao kumma ka rana ka ta hou the, kamei Rahgwang khou roi duu na tat the tumei thai the khatni kamei roi dinmei lat goi tei piu mak khe tumei thai the. Kacangnga lung rienramei, kabiu na lunglaimei lungning roi inthuknga ka khou nai puni kumma ka lungning tei Rahgwang hu khou kapma, mikdui keina kao puni, kum pukhou Jisu tei kadeng khou innaa guong puni. "Poubaomei Jisu Khrista Rahgwang nah Impou ze i roi aniu pap goi su inthan louthe" tumei thai pat pukhou Rahgwang tong jienmei khatni incu injengmei tei ka lungning khou nai puni. (1 John 1:7). "Lungning bakmei kaniu khou tei poubaomei innaa ye, bumeng kabiu na lunglaimei ta gulou we." (Ps. 34:18). Rahgwang lat roi hei kumma saaye. "A lat ta kadun na pingmei, bumeng suanmei, khatni lungsihmei, mi goi ta tei ai jaolou puni." (Isa. 66:2). Ka khou poubaomei Jisu Khrista lat tei Bumeng Inthanmei roi asuai na saa puni, "Nah, baowo, nang pap goi kuaklou the." Kamei banraothing ta jaona bam khou, banraothing ru khou Jisu ze i luang keimei, ka khang roi mi goi hei taan louthe tuna lummei, pap tong puatrit kagoi laagan kan the tumei kamei ning kahou pukhou, Jisu roi kadanmei khatni rienramei goi phunglou the

tumei thai puni, mi tei "Kamei aniu khuai goi khang roi jamh louthe kumma aniu pap goi khang roi bai louthe" khatni "Poubaomei roi ka ru khou aniu pap goi inphun louthe." (Isa. 53).


Inthanmei lungning ta Poubaomei ramh jien roi khatni Bumeng Inthanmei roi laa puni. Kamei lum puipaan roi banraothing khatni Jisu ta jaithao pukhou ka tong pap goi tei kuaklou the tumei thai puni kumma Rahgwang nah Impou Jisu ze i roi ka tong pap goi khou roi su inthan louthe tumei kamei thaicang puni. (1 John 1:7). Jisu khou lumcangmei tei immaan dat lakkhe tiki tingseng ringmei panti laa the tumei kamei thai cang puni. (John 3:16). Jisu khou "Ka jaojien cingkhiu puithei laina aniu ta ka ze i paan roi thuk loumei khatni pap goi kuak loumei laatou the." (Eph. 1:7). Pap tong janbang roi kahao meitei intao thu Rahgwang khang roi ringmei khatni ka ta siamroi sukhang lungning singh khou louna "Kamei roi ata jien reihye" tumei lungning nai the. Kandih ta jienmei khatni kandih tong puat ta jienmei phaang khang kamei Rahgwang khatni Rahgwang tong puat ta jien the.

Mi meng khou khowring hei pap phaang khang ding the, intao thu lungning peng khou bam gei the, Satan tei reih khou bam tei impatlou nihmak khonne gut kaloi dat khang ceng tei phu bam khonne. Heijeng roi Poubaomei Jisu roi aniu ta inkhon na khatni hoinei na bam khang incam louwe, rahsih ta thing pukhou kamei tei aniu khou roi pak tat kan puni.

## MENG PADEI

Mi meng roi saamei thu, aniu ta Guloumeipu poubaomoi Jisu Khrista roi rahca sulou puijeng roi guloumei khatni kacang nga incu-injengmei Khristian akhat sumei lam khou saalou tong the, heijeng roi. "Aniu tong Poubaomei Jisu Khrista tong banraothing khou gulou the. Ka paan roi a khou imbaan ta, khatni imbaan





#### 4. KHRISTA LEH THENG INCAMMEI

ta akhou banraothing khou hianbin the.” (Gal. 6:14). Jisu roi banraothing rukhou theih lou puijeng roi aniu goi ni “pap khou theih the kumma incummei khou ring dat the.” (1 Pet. 2:24); Khristian akhat hei kandih khou theng louthe. “Bumeng khou tat ro kumma imbaan pum tong kahaomei titang riu” tuna aniu ta latdan sulouwe. (Gal. 5:16,25).

Poubaomei Jisu ta ka phei laa gan lana tiang khou karak lana ka ta bai the, mi lungning tong meng khou hiak louthe, khatni ka ta baimei builong meng tei ni hiak louthe. Aniu tong pap khang koi kata bai the kalam thu “aniu ta riap nimei tei ka rukhou kei louthe.” Herod khatni kamei nun roi ka ta sinnui khonne, ka ta baimei tang kaniu roi sau pirun tei ka khou run louthe kacek pirun run loupui phaang khang; gwang tong builong insin loupui phaang intou juan akhat insin louthe, kumma kaniu roi malaa na bumkei lana kumma saaye, “Duanhngai diu! Jehudimei nun gwang!” Kaniu roi ka khou inteih tinsuk louthe kumma ka khou roi builong tei laa lana ka pi khou bai the. Kaniu roi ka ta ti meijak lou lana khatni ka ta latsih saa na, ka ta tei theng thao khang kaniu roi jai tat kan the.

Kalun khang nga khristian suna rahkai khou guong kalum bammei, Poubaomei tektu tumei, Rahgwang lu suanmei kum sini kaniu taan roi Guloumeipu Poubaomei ta theng kaloi bammei peina naiye. “A ta Poubaomei, Poubaomei tuna saa bammei kathui roi tingkao gwang kandih gut ngam nitong hamhme; tiki a pu ningmei taanmei kamei tei roi tingkao gwang kandih gut khang de.” (Matt. 7:21-27).

Mi meng khou hei Judas, Poubaomei ta jai inkhoime pu, dengka tamru khang juanmeipu tong siankhao meng tei ni hi louthe, kalamthu kamei sian kahaomei tei roi ka lungning ta nim the kumma ka cun tei su tamang the. Thaomai, pareiriang, mi goi hei Poubaomei ta zingbang nimmei gan khou rihmei nun sin the. Intau indat puitong palupmei thuh tei rihmei nun roi palup

lana ka tong pheï tei injan the, mi goi hei Rahgwang tong dinkasuakmei guong tang khangnge. "A pheï tei kaniu injan the kumma a pheï-baan khang ta kaniu intau thuh palup the." (Ps. 22:18). Jisu khou roi kaniu ramh goi laa kanthe tiki ka ta thu kaniu nuhmuh na saaye, "mi pu hei roi aniu ru khou sinmei ta aniu kahao makge."

Mansei cun roi kahao meithu Rahgwang khou roi tingriumei khatni neihtanmei soihiam laa khang macunne tiki kaniu pum tei katgut pariri na Rahgwang roi gwang sumei ta thu kahao makge. Mei peina roi thu rienra pui gan khou na Rahgwang roi inkhaa loumei ta kahaowe.

Rihmei nun roi kanek khou khatni lungthuh khou bui roi biu the, "mi khou tei zeï leh dui long pat the." (John 19:33-37). Rwai khuang makpui hu khou Jisu ta Pitor roi nuhmak kathum khonne, tiki inkham khou kamei mikdui keina lungkabiï na lunglai kanne. Nang roi Jisu khang taan khatni lat roi saa indao co? Ramhme thei mei nun maa khou saa indao pat khang meïjak bam tong co? Jisu roi saaye, "Thou puni meinun hukhou ata saa indaowe thei, ai roi ni kata tingkao theng bammei apu hukhou saa indao puni. Tiki thou puni meinun hukhou ata nuhmuhwe thei, ai roi ni kata tingkao theng bammei apu hukhou nuhmuh puni." (Matt. 10:32-33).


Jisu roi saaye, "Ka tong banraothing phung lana, athei lai makpui mei tei a khang biu makge." (Matt. 10:38). Jisu Khrista taudai ru khou dingpui mei tei duanhgaimeï ye.

Tingseng taudai ai dup bam,  
Nang khou a ta dup louwo;  
Ti ringmei dui leh zeï tei,  
Nang nek khou roi luang keiye,  
Pap tong ngam goi khou tei roi,  
A ta su inthan louwo.

## MENG PANGU

Mi pangumei meng hei roi lian meithu Poubamei tong biumei jaojien, jien loumei paan roi pap meita gu louna su inthan loumei lungning ta lian puitong the. Poubamei Jisu Khrista roi inrian loupui thei laina, mi hei Rahgwang tong rahkai, kapu, kanah, Bumeng Inthanmei Rahgwang bam loupui bam the, "Mei roi ata jien nethei, kamei alat goi pui puni: apu roi ka ta jien puni, kumma ka khou aniu roi gut puni, kumma aniu bam lou bam su puni." (John 14:23). Jisu Khrista paan roi jaithao louna khatni soihiam ti louna Rahgwang roi cakhuang su louwe.

Intao thu lungning tei kacangmei Rahgwang tong rahkai suthe. Pap ta alai ganpat kan the. Saaremei goi tong pu Satan roi khowring goi ta sinsu na lungmei phaen, incummei Bumeng, Bumeng Inthanmei roi lungning khou lung bammei ta aniu roi lungning khou gwang su bammei phaen, lungning tei gai the, kathai gai na inthaimei pi su the, Bumeng tong thai, jienmei, neilamei, incu-injengmei, jienthaimei, akhengthaimei, kacangthaimei, gaime, lummei, niammei, akhengsengmei, khatni Rahgwang khang khatni mansei khou gaime baibaime goi tei lungning khou nai the. Poubamei Jisu Khrista - incummei drakha tong kaci suna intao thu kamei kathai gaina inthai the. Inkammei thai inthaimei kiu Khrista khou kamei bammei, Khrista khatni ka lat tei ka khou lungloumei jeng roi ye. (John 15:1-10). Bumeng Inthanmei roi ka khou luplou the, kumma karaanmei lunglung tei thengloi kan the, imbaan pum khatni mi tong kahaomei goi ta tei ngam the. Bumeng Inthanmei paan roi imbaan cun ta ngam ma kamei Bumeng khou tat ngam the. Kamei houmei, cumei, khatni kahaomei cun khou tei tingseng nga bam mak khe tiki lum puipaan roi, Jisu Khrista khou lumlou jeng roi imbaan ta ngam the. Poubamei Jisu Khrista roi guong dat nime ta macunmei leh kahao na kamei lung the. Rahgwang ramh jien khou kamei lung the, mi tei tingsengjeng lunglou the.



**5. RAHWANG TONG RAHKAI**


“Lung inthanmei nun tei duanngaime i ye; kalam thu kaniu Rahgwang ta hou puni.” (Matt. 5:8). Gwang David, lunggaime i khatni jaoghmei nun ta ngamme i hamhma dailiangmei rih ki u thu ka lungning khou katuakmei hei the, kumma ka lung tong kathuk gengmei tei kamei thai na hoinei ye, “Inthanmei lungning tei akhou kasi am louwo. He Rahgwang, kumma injihmei bumeng tei a khou ti kathan louwo.” (Ps. 51:10). Mei akhat na sini ka rana ka lungning su kathan ngam makge, hamhme thei inthanmei lungning kasi am ngam makge, David kumma kacangnga lunglaime i lungning roi Rahgwang khou guongmei, ka khou kacangmei lungning kasi am louwo tuna neime i na roi laatou puni. Nang panti khou kathan tei Rahgwang roi taanlou niye. Nang rana incum meitong pheibaan kekmei khuam lana lungmei nang lung khou tei Rahgwang roi lung khang biu makge. Kamei roi nang ta inkhaa lou ni bamme, heijeng roi kamei saaye, “kumma ai roi inthanmei dui tei nang ru khou kajin lou puni kumma nang inthan puni; nang khou tanamei goi khatni rahmeng kalummei goi khou roi ai roi nang ta su inthanlou puni. Ai roi kathanh lungning nang khang ti puni kumma kathanh bumeng nang khou lou puni, nang janbang khou roi intau tong lungthu tei ai laa puni kumma janbang tong lungthu tei nang khang ti puni. A tong Bumeng tei nang lung khou lou puni kumma a tong latdan khou nang ta titat lou puni, kumma a tong latjan goi hei nang piu puni khatni mi tei taan puni. (Ex. 36:25-27). Mi hei kathan latrian tong kabaa the tumei thu Ka nah Impou, Jisu Khrista zei paan roi Rahgwang roi seal diang louthe.

Mi meng khou hei baancara ding bammei ta houwe. Tingsengjeng ringmei panti laamei nun ta baancara goi roi siamroi su khang indiu louwe kumma ka ta pingmei goi deng khou kaphuam suna bam inkuai khang ti su louwe. (Ps. 34:7; 91:11; Dan. 6:22; Matt. 2:13; 13:39; 18:10; Taan 5:19; 12:7-10).

Mi meng khou hei rahsih tani houwe, lungning deng khou innaa na ding bamme, kamei reih khou bam khou gut dat khang cengkhaan na bamme. Heijeng roi aniu ta intak inraknga khatni kalumma bam khang incam louwe kalam thu "hou muhmei rahsih roi raa bammei kamangliang kumma thou kummei ta tu khang phuna ruan tat bamme." (1 Pet. 5:8). Kagan gei theng baancara kumma, kapaa pat loumei inthanmei nun, mi kandih ta kahaomei nun ta jai imbe khang kagan kathui khou inkhonna bamme. Kumme tiki rahsih ta aniu roi khamh pukhou, kamei aniu khou roi pak kan puni. (Jamer 4:7).

### MENG CARUK

Mi hei lungning kabiumei theitangkhin datmei meng the. Reihmei khou mik akhat tei inthiam gut the, mi roi lianmei thu Khristian panti incu khitkhit na jib keimeimei ta the. Kumma baimeimei gan khou mik akhat tei rak lan jao inkoi na kandih puat ta kahao na bamme. Ka khou gaanmei riu naimeimei tei kam kei the kumma ka lung khou Khrista khang roi rienra nimeimei goi tei immaan guong kan the. Injeng jengnga thiemmeimei goi tei rim gut the kumma mi tei kamei thing dat mak khe. Rahgwang tong khuan ta ingkingmei khang song intao thu kamei tei insaa kareng tong latrian thiemmei lat khou gut the. Kum sini kamei hei rahkai tat bamme, rahcap tatmei tong hui khou kandih cun goi duplou bamme kumma Rahgwang ta jienmei lungning tei incu kei the. Kamei lungning kaneimeimei su the, cun kaneimeimei kak khou ding the. Kamei imbaan cun khou kathuan gut the kum sini Rahgwang ta jienmei thak su bamme. Ka lung khou gaancuang, kathanhmei tei kam khit khit the. Nui rimrim ma banraothing tei phung dat mak khe, tiki mi ta tei kahao dat mak khe khatni inritmei puat su the. Ka ramh lum tei kadun khit khit the, Rahgwang khou inkhum kei na kalummeimei tei immit guong kan the, ka lungning tei ciak sin mak khe kumma ka lungning peng khou thiem bammei khang tei bam ti na khit khit na tatkei kan the. Incumma lumloumei nun leh induangmei khang song kandih



**6. THIEMMEI KHATNI BAKMEI LUNGNING**



tong duang gei tat kan the.

Dowda tong bumeng, liantimei khou tei ka phai kem gut kan the. Jaojien roi gulou tong dingnge tumei immuh kan the kumma liantimei khristian su the. Tu-jang imbaamei tei roi lungning khou incou lana ka phai kem gut khang su the. Kariumei daimei khou kandih duang nun kariumei bam khou kamei bai taptapmei ye tumei ning dat mak khe, khatni suan kei the heijeng roi rahsih roi thiem ma bumeng tong panti tei ti incu kei the. Imbaan cun khatni intha-boulamei khou gut the. Kamei keauka na tanamei meng latrik paa na, kheiliak sihmei ta induangnga, alemmei nun kai khou tat na, atha alamei bam khou tat na, pap ta sini pap hamhme tuna ningnga, mi tei taan gut kan the.

Kacangna sihmei khatni tanamei latkhan tong rwai roi aniu pi ru khou samkaan patmei ta aniu thing ngam makge tiki kaniu ta aniu pi ru khou dung khang nuh louwe thei khatni aniu lungning khou kabou duan louwe thei, khatni kaniu tong sihmei taan tong nah puanpat louwe thei, aniu inkhoi meiyee. Rahsih khang aniu roi baanjung akhat jam khang ti tithei kamei roi aniu baan kagoi ta jam puni, kumma bumeng khatni duh ta nim lana tingsengjeng maikuam khou jailou puni. Rahgwang tong jienmei khuan roi aniu ta ti inrak loumei thu cabuan tong intha-boulamei goi ta impat ro, kumma tabui bui pusini pap ta palup riu tuna ye. Thuakloumeipu, rih ngammei kaipou Jisu khou pak louwo.

Mi meng khou hei mei akhat roi bengsi sin bammei ta houwe, mi roi saamei thu khristian nun ta sinuimei khatni nuhmuhmei ta din puitong the. Kaniu balei roi saa kasihmei khatni chi roi saa malaamei hei khristian nun lungning ta ti jamlou bam tong the kumma lungning kanei patmei hei ring datkhang kungnge. Kum pukhou kamei tei Rahgwang ta khang song mansei ta pingmei imbu the khatni mansei ta ping puijeng roi mansei roi saamei tei piu the khatni taan the, kamei mansei bangh su the, kumma Rahgwang khou roi duh pat the. Lungrat sihmei khatni


lungpuammei tei katuakmei gan khou lian the kumma mi tong thiu tei ka khou nai tantan the. Mei asek roi duanhgaime i khatni lunggai cingkhui pukhou jao jihmei sihmei tong inrui tei ka khou lian pat the, kumma kadou caa pukhou injengnga thao na jaojihmei khatni liantime i kaikhram tei laan patlou the.

Aniu tong Poubaomei Jisu kamei roi saa loumei lat tei aniu laalou makge thei aniu lungning khou injeng jengnga sian kahaomei lungning tei gut khang ciu the, "Nangniu thiemmei khou keilou mak khang inkhuan na hoinei yo." (Matt. 26:41). "Heijeng roi ding bam de tuna ningmei kamei tei kamei punkei rihpuan tei aniu piu ni naye kum pukhou kakheih sihmei ta aniu athung ngam puni. (Eph. 6:11-18).

### MENG CANEI

Mi meng hei tangkhinkei kanmei lungning tong lunlung ti lian the, kagan akhat khou thai loumei, tingkao tong kaipat imbap toumei, Bumeng Inthanmei tong kadam laatou goime i, kamei boukei dat kanmei lam the. Akhat dat roi "Gaipui latcam" ka khou dinlou sini lunglai thai makmei pu lungning lun ti lian puitong nge. Rahgwang roi ka ta kao bam sini ka lungning tan haihai bammei, ka ta kalai khang saa pukhou sih haihai keime i lunlung lian tong the.

Theitangkhin datmei lam khou jao jao kho Jisu kahak roi mi lam khou dinlou we, "Tanamei bumeng tei me i akhat khou roi tatpat pukhou, inthek loupui bam khang phuna kamei phui puibam goi khou tat the: kumma imphang mak pukhou kamei saaye, ai tat puibam a kai theng ngalan dat nithe, kumma kamei guong puki mi tei ge i inthan lana karulou bammei hou the. Khou tei kamei tat lana kasuang sihmei bumeng canei indong lana, khou tei kaniu gut the khatni khaniu lung the: mi pu tong inkhammei lunlung tei reihmei khang song sih the." (Luke 11:24-26). "Incam loumei latcap roi saa meitei kaniu khou pat the:



7

**7. LUNGNING TANGKHINMEI KHATNI TANMEI**

Shi roi ka tong ingguak patmei khou ngalan datre, khatni dui lou inthan loumei gwak roi bih niang datre.” (2 Peter 2:22).

Mi tong inthanmei lat roi theitangkhin datmei lam khou hamhme thei lunglai makmei lungning lam khou dinlou the. Pap sihmei hei ngalan guong datna lungning ta sin the. Jao pukhou kajao khou nganna ka lungning tong lulung tei lianne. Injengmei khowna, Bumeng Inthanmei tei lungning ta impat louthe kalam thu pap khatni Bumeng Inthanmei lung kariu nuh makge. Lungning nei Rahgwang tong rahkai su khang hamhme thei Satan tong bam su kariu nuh makge. Ka pu lat piu makmei nah tei roi lunglai dat kanmei kum kamei lunglai guong datmei ta baancara khatni Rahgwang lat tei jiengri dat dat na tatpat kan the “mi kumma” gwak roi tumei pheii tei roi kabung tu padik nih khonne tiki mei akhat na sini ka khang ti makge. Kamei ka rana ningtou lana saaye, ai thao lana a pu deng theng ta nithe; kumma ka khou saa nithe, “A pu ai tingkao khatni nang tat nuhmuh na pap taan the, ai hei nang nah kao khang biu mak khe.” (Luke 15:18). Ka pu roi latpiu makmei nah ta tei hou lana ka ta kuak louthe katni ka ta laa lou dat the.

Mi lungning tong meng khou hei thu lunglaimei, Rahgwang khou ngalan guong datmei, Jisu phai khou kuak loukhang phu datmei khou mak khe. Ka lungning tei sihmei intan tei roi kabi kang lana lungning tei ti incu louthe. Ka nuh kanei nai sini Jisu roi kaomei kluan tei cu dat mak khe. Ka mik kanei nai sini ka phaipa deng khou naimei maikuam ta hou dat mak khe. Ka tong pap goi khou bam bammei ka lungning ta sin khang gut lana lungning khou gwang suna dung the. Duam loumei takiu tei kumma ka peng khou thu mei nun roi cakhuang sumei khatni rahcap tatmei the tuna laa bam the tiki “ka lung theng thu mansei theihmei row khatni tanamei goi roi padikge.” (Matt. 23:27).


Incummei Bumeng roi bam pui bam tei saaremmei nun pu roi

bam lin the. Khowring goi, rahsih khatni inthan makmei bumeng tei roi pap goi tei phuang guong lana ka lungning khou lou padik the. Mi tong raimei khou roi kamei tei ka rana duak khang kaliang the tiki ka ta karak louthe. "Moses tong latdan ta gan pat puimei ta sakhi kanei kathum lat khou jaojian meknga suloi ye. Rahgwang Nah Impou ta phai nibinmei roi, ka ta su inthanlou kanmei latding tong ze ta inthan makmei puat khang cakmei, jaojian tong Bumeng ta malaa na sumei ta tei sihna raipui dandi kamei imphang biuwe tumei nang ning maknga co? (Ibri. 10:28-29; 2 Pet. 2:1-11).

Jienmei champan, mi meng hei nang lungning tong lunlung khonne thei, nang lungning singh theng roi Rahgwang khou nian makmei gan khou kaowo. "Kamei inthui na gulou khang ngamme" (Heb. 7:25), kumma lunglai guongmei lungning roi ka khou guongnge thei pap goi tei kuaklou khang kamei ngamme. Kamei roi nang khou taan loumei kahaowe thei rahsih khatni ka tong zingmei bumeng goi ta tei kamei roi karak lana kaniu goi ta nang lungning khou roi alai ganlou ngam puni, Imphaanmeipu roi Jisu khou guongnga saamei kumma saa wo, "Nang roi nuhwe thei, nang roi ata su inthan ngamme." Jisu roi daowe, "Ai nuh the, nang inthan tho." (Mark 1:40-41). Tiki nang lung tei tan haihai bamme thei, gaanmei khang song zingmei ta kahao bamme thei, mi khou hei inkhaa lo mei ta macun khang mek khe kalam thu nang roi ringmei ta song theihmei ta kapa the "pap tong taanphi goi thu theih meiyee." (Rom. 6:23).

## MENG TACAT

Mi khou hei lungning tanmei khatni kuat tanmei papmei akhat roi theih inji bammei houwe, kapum hei sumei roi padik the kum lana kamei theih kei khang pingmei lung roi padik the. Theih kanmei row tei thai makmei gan khou tilian lou the. Sihmei inthaa-boulaamei pap taanmei gan tei tuan kan the kumma intao



## 8. PAPMEI TONG NGANMEI

thu pap taanphi jeng roi rienra nimei gan tei innaa the. Maikuum tong rienra nimei tei roi nim the. Rahgwang ramh jien ta gan pat puijeng roi intao thu hoinei ni sini ka khang kagan mek khe. Reih khou ka rupmei goi tei ka leng deng khou ding khang ping the, intao thu kaniu roi summei lat goi tei geng mak khe. Ka ramh lunggai tei roi ni ka panti ta jaiseng lou dat ngam mak khe, khatni ka bumeng ta tei sumlou ngam mak khe. Rahgwang khou guong dat khang ngam mak khe kalam thu rahsih tei roi ka ta impat loudat mak khe.

Kagan akhat khou kamei jien kanmei nun roi ni ka ta sinnui the khatni puanthanh makmei jailoumei nun tei roi ni intao thu gulou dat ngam mak khe kalam thu Rahgwang tong ramh jien ta kamei gan pat na ka latdan goi tei kamei culou mak khe "Ringmei Rahgwang baan khou punkei khang ping puitong nge" tumei kamei ningtou the. (Heb. 10:31). Kagan gaimai tingmik khou hamhme thei theih nimei leng khou roi ka tong inkhuaimai goi tei Rahgwang khou su inthan nithe tuna ning khonne tiki ka khang nian kanthe. Theih nimei leng khou roi Rahgwang ta phu dat ngam maknga mei cing cing tei thaimak deknga theih ngam kanthe. Ka ta laatou nuhmei gan khou phumei hei gailiangmei dithe. Rahgwang tong ringmei lat roi ka ta summei phaang khang, kamei ring bammei panti khou Rahgwang ramh jien ta ganpatmei pap mei tei intao thu kamei roi ganpat kanmei Guloumeipu tong latjan khuan tei cuthe, "A khou roi tatpat kantho, siang loumei nang, rahsih khatni ka baancara goi khang camdaan loumei tingsengjeng mai khou tei tat kantho." (Matt. 25:41). Theih akhat khang mansei khou kak louthe kumma mi tang latjan dithè. (Heb. 9:27).

## MENG CAKIU

Mi meng hei roi lianmei thu Khristian akhat roi thiemmei khatni incanmei goi ta akheng ngammei lunlung the. Kalam goi khou ka ta thiem pusini Jisu Khrista paan roi inkhampui ngam kamei





akheng ngamme. Khristian tong pak inkhiammei khou kamei gutmei na hamhma, mi khou tei ding intip be, akheng thaina pakge, imbai injat jao na tat makge, tiki aniu khang lummei ti loumei pu khatni ti inthui loumei kaipou Jisu na ta jaowe. (Heb. 12:1-2).

Lumloumei lungning ta Satan roi bam inkoi na, Rahgwang nah nun ta jai inki khang karamme. Dailun sumei, sian kahaomei, inthaa-boulamei, khatni baimi sihmei goi tei ni the. Kamang ru khou gadha gih runlou na, kalam baidamei jan khou thiem bamme. Tiki kasiat thaimei khristian nun roi thu rahcap tong pap khou thiem puni, mi ta tei thai na, incummei bumeng tei roi incummei khou jailou we. Mei akhat roi zoubuang sin lana alem ma kandih tong neilamei khou ka ta ti boukei khang karamme. Kum sini mi tei roi su inthan kanmei khristian khang thu geng makkhe, kalam thu kamei Khrista leh tuna pap khatni kandih ta thengloi kan the. Mi meng khou mei akhat roi bengsi sin lana khristian ta cum bammei houwe. Lumloumei thiak sumei nun roi lumlou cangmei khristian nun ta, latsih saamei roi inraumei, malaamei, inpinmei lat roi su kabiu bamme. Mei nun roi saamei lat khou kamei kabiu makge tiki Rahgwang roi tabui saa tong co tumei na kamei ingking nge. Jisu lat goi ta kamei ningtou we. "Ajeng khang roi mei nun roi nangniu ta inphut kasih na, khatni raai na, saarem ma nangniu ru khou sihmei kapumma saa pukhou, nangniu, duanhgaimei ye. Neilawo khatni jenggai yo, kalam thu tingkao theng nangniu swan dai ye." (Matt. 5:11-12).

Pap janbang (imbaanpum roi kahao mei) khatni rahsih roi khristian nun ta Rahgwang ramh jien khou roi jailang pat khang ngammei kam karam me. Kum sini daina neilamei khatni lummei roi kamei heikumma saa ngamme, "Khrista tong ramh jien khou roi aniu ta thou roi su intam ngam nina co? Rienra akhengmei, guatli guatlengmei, raamei, inkou-indepmei, pheibaan mekmei, kabiumei hamhme thei thandibeng roi co? (Rom. 8:35).

"Hamhme, mi lam goi khou aniu ta jien loumei ka paan khou roi ngammei goi khang song sini aniu ngammei ye." (Rom 8:37). Rahgwang tong rihpuan kagoi tei piu lana, incanmei khatni thiemmei goi ta ngam kanmei Jisu Khrista paan khou roi sihmei tingmik khatni thiemmei kagoi ta ngam khang kamei ding ngam puni, kumma ka paan khou roi aniu ngam lana himdaimei tong pirun tei laa ngam puni.

**GAANCUANG** roi dinmei thu kamei kakhanmei gaancuang tei inthannə khatni kangranne. Ka lungning tei lum kak kakge khatni Bumeng Inthanmei goi padikge. Inkham puingan ngam guongmei kaniu khang inrian loumei Rahgwang lat goi tei Baancara roi ka khou ti ningtou louwe. "Ngammei ka ta theih kaneimei tei roi ti kabiou dat pulak khe." "Ngammei ka khou tei ingkam loumei manna asek tu khang ai ti puni, kumma ai roi intau imphuanmei akhat ti puni, intau khou jan kathanh hi louthe, laatoumei kamei hamhma gaan akhat sini thai lakge." "Thou puni ngammei khatni a taanh goi inkham puingan ngekmei ka khang tei zat goi rukhou ngamh ai ti puni." "Ngammei ka khou tei hei kummei imphuanmei pheibaan piulou puni; kumma ai roi ka jan tei ringmei latrik khou roi thut immaan lakge, kumma ai roi ka jan tei A Pu maa khou, khatni ka baancara goi maa khou saa indao puni." "Ngammei ka ta tei a Rahgwang tong rahkai khou tiangh akhat ai roi ti sulou puni, kumma kamei tatpat dat pulak khe." "Ai ngammei A Pu Gwang bampeng khou kamei leh dung incammei kum, ngammei kamei tei ai leh A tong gwang bampeng khou dung incam khang tilou puni." (Indaomei 2:7,11,17,26; 3:5,12,21).

**SIAN KHAO LAAN PATMEI** roi lianmei thu ka lungning rana hamhma ka tong sian goi ni Rahgwang khou su inthanne, Kandih khou ka tong puat su immaanmei khang song lungsihmei ta kamei inkhaa louwe, ka tong kadam ru khou akhat sian katmei khatni ka khou naimei goi Rahgwang tong him ti daimei khang sinsuwe.

**INTIAN KHATNI KHAA** roi lianmei thu kamei niammei khatni inthanmei panti khou lungmei tare. Zou jangmei, zei jangmei, khatni inthan makmei tektu khou kamei ka rana su tana na lung makge. Ka tong sian insaa khou su immaan makge, geng lakmei, agaai tumei, makhaw intimmei, geng makmei puu tumei roi Rahgwang tong rahkai kapum ta su tana makge, tiki ka pum khang geng nimei tektu tuwe. Ka lungning tei kalum bampui bam suwe Tabui bui puni kamei rahkai ku tantan na tingsih tinggai Rahgwang ta thuan ne. Ka tong kaa khou puni, kaikhun khou puni, kalum pui kai khou puni kamei kalummei kahao we, kalamthu Khristian akhat roi kalum maknga lung ngam makge tumei thaiye.

**LAAN LOUMEI LATRIK** roi lianmei thu Bible hei kagan kathui phek pat khang, tingmik kathui kathaai khang, ningting leh pumtan laa khang, ringmei leh gaanmei laa khang khatni ngan mekmei lunggai laatou khang tare. Mi hei ka phaipa khang thaomai, jaojihmei ta adou khang bengseng nge. Tingmik kathui ka bumeng khang tektu we, tarimei kim khang jangmei dui ye, khou inthan khang lowmei dui ye, kumma ka rana ka ta jao khang mengjao we.

Kamei banraothing phung khang kahao we kalam thu banraothing phung maknga pirun mekge tumei kamei thaiye. Kamei Khrista leh kathanh panti khou ringthao we tumei thaimai kum, hou makmei kao theng tingsengjeng puat ta phuwe. Rahgwang ta ariu khang kamei camdaan the kumma dui deng khou ling loumei thingbang, kakum kagan khou kathai gei na inthaimai kumthe. Bumeng Inthanmei laatou na ka lungning padik puijeng roi, Rahgwang ramh jien nai puijeng roi kamei theih khang ping mak khe.

## **MENG RU**

Jisu roi saaye, "Ringthao datmei khatni ringmei tei ai ye, A khou



10. NEILA NA KAI TATMEI

lumloumei kamei theih sini, kamei ring puni; kum lana thou puni ring lana A khou lum louwe thei theih dat jat lak khe.” (John 11:25-26). Ai roi nangniu khou saadiang louwe, “A lat cumei kamei tei khatni A ta indiu guongmei ta lum louwe thei, tingsengjeng ringmei tei laa the; kumma latjan khou gut lak khe; tiki theihmei khou roi ringmei khou kaan pat the.” (John 5:24). Theihmei roi khristian ta nim lak khe khatni ti ping lak khe. Theihmei ta ngamma inluak kan the. He theihmei, nang sat tabui theng co? He tarow, nang ngamh tabui theng co?... Tiki aniu tong Poubaomei Jisu Khrista paan roi aniu khou ngammei ti lomi Rahgwang ta thuanmei sudiu.” (1 Cor. 15:54-57).

Rahgwang khou lungnga tat incammei kamei tei theihmei ta ping makge. Kamei tat nimei gan guong pukhou, kamei neila na tat puni, kumma jab sumei Paul roi saaye, “Khrista leh bam khang tat patmei kahao we, mi tei gailingmei the.” (Phili. 1:23).

Ka khang roi banraothing khou theih loumei khatni ka ta thuak loumei Jisu jao khristian roi hou nih na macunne. Rahgwang tong lat tei Bumeng Inthanmei roi ti ningtou louwe, “nangniu lungning katuakmei su mak andiu, Rahgwang ta nang lummo, A ta ni lummo. A Pu kai theng lung puibam peina naiye... Ai guong dat lana nangniu ta A khang laalou puni, ai bam puibam khou nangniu ni bam puni.” (John 14:1-4). “Mik roi hou makmei, nukuan roi cu makmei, mansei lungning khou gut tang makmei puat goi tei Rahgwang roi Ka ta jienmei goi khang camdaan loilou the.” (1 Cor. 2:9). Mi kandih khou aniu tong Poubaomei Jisu Khrista tong phaikem thei laina tatmei kaniu khang tingkao tong bam goi khou kasiam loumei tei kandih tong lat roi saa tang thui lakge.

Ping puitong mei row houmei phaan Rahgwang tong baancara hamhme thei latdiumei houwe. Thuakpat loumei bumeng ta Rahgwang khou phung guong khang kamei inkhuan bamme. Immaanmei pum khou bammei bumeng leh duu tei duaknga,

ka khang roi theih na ringthao datmei pu, ka bumeng ta jien loumei pu bam theng, laan loumei tingkao ceng, khou kamei sam ku the. Mi latsaa hei ka tong Poubaoimei khatni kaipou roi neila na ka ta Rahgwang maa khou inkhuan bamme, "Taan cui the, nang gaimei khatni lumlou nuhmei bangh... nang Poubaoimei neilamei bam khou nang gut tho." (Matt. 25:21). Satan roi ka rukhou ngamh khat sini naidat lak khe, kalam thu, "ka tong inthanmei bangh nun roi theihmei hei Paubaomei mikjao khou thu kungmei the." (Ps. 116:15). "Kumma tingkao theng roi khuan akhat a khou saamei ai cuwe. Hi tho, intao khou roi thaona Poubaoimei khou theihmei goi jenggaimei ye: Bumeng tei roi saaye, inggoi, kaniu tong taan goi khou roi kaniu intheh' nuh the: kumma kaniu tong taan goi kaniu leh lamloi the." (Indao 14:13).

## INKHAMMEI KHOU KASIAT THAI KHANG

Jienmei paamei nun, nang ta jienmei ka khou nang lungning kagoi tilou khang Rahgwang roi nang ta ingkhaa loumei sudiu, katam thu kamei intao nang khang saaye, "A nah, nang lung akhang ti yo." (Pro. 23:26). Lungning rienramei, cunsume, lungning kabiumei ka goi Jisu khou ti yo kum pukhou, nang lung khou kathanh lungning kamei roi nang khou tilou puni. Kahaomei taan khang nang lungning tana meitei roi nang ta minammei tisu riu, "ka rana lung ta lummei tei imbaamei ye: tiki intaknga tatmei ta tei laaduaklou puni." (Pro. 28:26). Nang pap goi impatlou lana incummei ta pam tho, "pap taanphi thu theihmei ye tiki Rahgwang kaipat thu Jisu Khrista paan khou roi tingsengjeng panti kiu the." (Rom. 6:23).

Rahgwang khou ka panti tipat loumei kamei tei "Jisu Khrista khou naime, lum loumei khatni jienmei tei sin intip ma dingngo." 2 Tim. 1:12 khou Paul roi hei kumma din louwe. "Kalam thu ai lum bammei ka ta ai thaiye kumma ai roi ka khou insinlou kanmei tei kamei roi mi tingmik nung ngan geklou ngamme

tumei ai lungai cangnge.” Inthanthiakmei ramh lum khou nang kasiam thao tho. Bumeng Inthanmei khou hoinei yo. Rahgwang ramh jien khou nang bammo, kamei nun ta laa dat khang katumma guong dat punimei aniu tong Poubaomei incummei, ringmei khatni ceng kaipou Jisu ta jaowo “Gwang goi na Gwang, Poubaomei goi tong Poubaomei” kamei ye, “Intao thu phaisui nimei khou roi nangniu ta ti dinglou ngammei, nang ta ti inkhoi lou maknga neila daina ka him maa khou tipat lou nimei, aniu ta Guloumeipu intakmei Rahgwang, him khatni gundaimei, kaipou khatni ngamh kagoi, intao khatni tingsengjeng khang ka khang su kandiu. Amen.” (Jude 24-25).

Copyright ANGP

**A SPECIAL WORD FROM ANGP**  
**UN MONDE SPÉCIAL DE L'ANGP**  
**UMA PALAVRA ESPECIAL DA ANGP**

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from [www.angp-hb.co.za](http://www.angp-hb.co.za) or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de [www.angp-hb.co.za](http://www.angp-hb.co.za) ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialectos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de [www.angp-hb.co.za](http://www.angp-hb.co.za) ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a



**l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.**

**As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.**



**Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.**

**If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.**

**Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.**

**Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.**

**Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.**

**Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos**

informar. Pois nos gostaríamos de agradecer a Deus juntamente convosco, e lembra-lo sempre em nossas orações.



For free Gospel literature, books and tracts in over 538 languages, write to:

Pour obtenir gratuitement de la littérature évangélique, des livres et des traités en plus de 538 langues, écrivez à:

Para obter gratuitamente a literatura evangélica, livros e folhetos em mais de 538 línguas diferentes escreva para:

**ALL NATIONS GOSPEL PUBLISHERS**

**P.O. Box 2191**

**PRETORIA**

**0001**

**R.S.A.**

[info@angp.co.za](mailto:info@angp.co.za)

**A Gospel Literature Mission financed by donations**

**Une Mission de littérature évangélique financée de dons**

**Missão de literatura Evangélica financiada por doativos**

(Reg. No. 1961/001798/08)